





**CFT: SABA TA SIGUI  
DESAROYA MANEHO  
FINANCIERO**



**WWW.SOLODIPUEBLO.COM**



**SOLODIPUEBLO@GMAIL.COM**

**TATA DI OTRO ALUMNO  
A DRENTA KLAS NA  
SCHOOL Y HEFTA  
MUCHA DI 6 AÑA UN  
KLAP DEN CARA**



**BABY Y ADULTO MAYOR A WORDO EVACUA NA PARKIETENBOS  
Y SIMEON ANTONIO DEBI NA HUMA DI CANDELA**

**OPERATION COMMAND  
CENTER NA SAVANETA A  
BIRA UN REALIDAD**



**A INAUGURA E SCOL  
CHILDREN'S HOUSE  
MONTESSORI NA PARADERA**



**\*\*\*INFORMACION GENERAL\*\*\***

Departamento di Labor y Investigacion ta participa na tur cliente cu riba **diamars 25 di juni 2024** parti mainta nos lo ta cera pa publico en conexion cu training di personal di MHPSS.

Departamento di conflicto como tambe e parti cu ta trata cu **werkboek** lo atende publico despues di 1'or di merdia.

Nos ta pidi disculpa si esaki por trece cualkier inconveniencia.

Director suplente,  
Sr. Anthony Lee Riviears



# BABY Y ADULTO MAYOR A WORDO EVACUA NA PARKIETENBOS Y SIMEON ANTONIO DEBI NA HUMA DI CANDELA

Diabierna atardi tabata tin un explosion cu a tuma lugar na Daltra na Barcadera, sinembargo no tabata un candela manera sosode algun aña pasa, tampoco por a haya mucho informacion di kiko por a pasa. Pero diasabra marduga alrededor di 5 or melding a drenta na Brandweer cu surgi un candela patras di Ecotech na Barcadera cu a pone cu polisnan pasa den cayanan di barionan Cas Paloma, Parkietenbos y Simeon Antonio, alertando e habitantenan pa nan evacua. E habitantenan den e besindario mes no tabata na altura, hopi tabata drumi.

Algun a lanta pa motibo cu e holor di huma a cuminsa penetra den e casnan. Ora cu nan a sali pafor nan a bin topa cu un mist diki diki color blauw shinishi ta tapa caminda y casnan di bisiñanan. Un Auto di polis tabata zona alarma riba caminda pa alerta e habitanan y urgí nan pa nan evacua. Varios famia cu tin baby y adulto mayor a haci caso di e yamada y a evacua

nan sernan keri. E huma y holor malo a keda afecta e barionan den oranan di merdia. E barionan mas afecta tabata Cas Paloma, Mahuma un parti, Parkietenbos y Simeon Antonio. E area di Bucutiweg no a haya huma pero si e holor di kima cu a keda afecta e area te cu e biento a cambia. Miembronan di Stichting Parkietenbos combersa cu varios di e famianan afecta. Nan ta suplica Gobierno pa stop cu actividadnan di procesa sushi na Barcadera y Ser'i Teishi.

“ A sera dump y a habri un otro pariba di caminda na Barcadera, esey no ta por, esey no ta husto pa nos cu tin tanto aña ta sufri. Nos tabata tin speransa cu ta sera dump y tur molester ta stop. Pero mira awor seroe di sushi ta acumula patras di Ecotech y ta pega candela, kiko a cambia? Asina habitantenan tabata reclama. Tabata tin famianan cu no por a evacua y mester a sigui soporta e huma y holor malo. Esnan cu mester a Sali bay traha



trempan na hotel y otro sitionan a core Sali mas trempan pa scapa di e huma, pero lagando famia si den e situacion sofocante y peligroso. Pabao di e candela tabata tin un otro seroe di sushi riba un otro tereno cu aparentemente no ta di Ecotech. Si esey tambe lo a pega candela e situacion por a bira hopi mas tragico pa e habitantenan di e barionan.

Vocero di brandweer a bisa cu si nan lo a tira santo di trempan riba e candela e lo a produci

mas huma y lo a tarda mas pa paga. Sinembargo asina mes e habitantenan ta conta con nan cas a keda invadi pa huma, nan wowonan a keda pica y problema cu respiracion, tur cos den cas a keda hole huma. Riba e photo por mira e momento cu a e candela ya a keda domina, sinembargo riba e potretnan y videonan cu a keda publica pa algun media y hasta cu Drone, por a mira con grandi e candela tabata y cuanto huma a afecta e barionan.

## PARTICIPACION EXITOSO DI ARUBA BANK NA SEMINARIO “MI PODER FINANCIERO”



24 di juni 2024 - Aruba Bank ta contento di a participa den e seminario “Mi Poder Financiero” organisa pa Fundacion Plan di Bida Aruba, cu a tuma lugar na Renaissance

Convention Center. E evento a trece nos comunidad hunto pa siña tocante e aspecto nan esencial di un bon maneho financiero.

Fundacion Plan di Bida Aruba, a organisa e seminario aki pa promove un bon maneho financiero y duna solucion nan practico pa maneho di finanzas. Nan programa ta inclui plan di presupuesto, di debe y arreglonan di pago pa duna sosten na e comunidad.

E seminario a conta cu participacion di diferente experto local, notario, realtor y profesionalnan legal. Aruba Bank a duna un presentacion tocante e paso nan pa yega na bo propio cas.



Participanten tabatin oportunidad pa bishita e “booth” di Aruba Bank pa informacion y conseho financiero personalisa tocante hipoteca.

Aruba Bank ta orguyoso di a participa den un evento cu ta promove bienestar

financiero den nos comunidad.

Pa esnan cu no a logra asisti e seminario of cu tin mas pregunta tocante di hipoteca, por bishita e website [www.arubabank.com](http://www.arubabank.com).



# TATA DI OTRO ALUMNO A DRENTA KLAS NA SCHOOL Y HEFTA MUCHA DI 6 AÑA UN WANTA DEN CARA

Dialuna mainta via rednan social un persona identifica como Jeancarla Richardson a hasi un denuncia publico contra Erick Sintiago, kende presuntamente a dreña klas di school pa hefta su yiu di 6 aña. Solo di Pueblo ta trece e escrito di e mama di e mucha di 6 aña y ta sigui aki: WEGA DI MUCHA “TIKERTJE” A KAUSA MI JIU UN WANTA DI UN HOMBER KOBARDE Comunidad di Aruba...Bon dia y bon siman.

Mi kier a pone Aruba kompleto na altura di un suseso masha grave ku a tuma lugar ku mi jiu di 6 anja di edad na Kukwisa Kleuterschool. Ken por a kere ku den e tempo moderno aki por ta posibel ku un major (Hende homber di un edad alrededor di 37 anja)por dreña klas di un Kleuterschool y despues di puntra nomber di un mucha di 6 anja....gewoon pasa e juffrouw di klas voorbij, jega para dilanti di e mucha y kafe un wanta den su cara Kasi bente for di su stoel y bise “otro biaha no mishi kù mi jiu”. Después kana bai manera nada a pasa.

Djies imagina e trauma Psicologico ku mi jiu cu nami agrega ta un mucha hopi keto y rustig y tur e otro muchanan den su klas a pasa aden na es momento ey. Y awor ta bin e partí mas increibel...e cabesante di skol huntu ku e juffrouw y e mr cu na e momento ey twt presente den mi jiu su klas y SKOA a sera cabez huntu y a prefera pa proteha e pejego di e skol y gewoon a purba stroba e investigashon di polis birando jen storia y pa nada nan kier a divulga te na e momento aki na mi persona e nomber di e Burdugu Kobarde di marka mayoor ERICK/EDRICK SANTIAGO. Y ne otro banda cabesante di Kukwisa Kleuterschool ta menasa mi persona ku e obligashon di leerplicht, Exigiendo mi pa mi hiba mi jiu skol ja e sigiente



dia como sifuera nada no a pasa.

Mi jiu ta bula lanta for di sonjo 2 pa 3 biaha madruga,E tin miedo di hende miedo di ta serka y pp cu hende.... Y nan embes di puntra si mi jiu ta bon si mester algun ajudo mi ta wordo obliga pa mi hibe skol...

Mi ta hanja ku E Nivel di Profesionalismo di nos enseñansa aki a laga hooopi di desea y e manera cu esaki a ser atendi for di e prinsipio di e susedido te hopi desapunta.... Pasobra niun hende a tene cuenta ku e trauma psicologico ku mi jiu ta pasando aden. E miedo di hasta aserka e porta di Kukwisa Kleuterschool ku a keda den dje.

Mi ta imagina ku tin más mucha di su klas lo a keda afekta na un nivel of otro di e mesun incidente cruel aki pensa cu ken cu ta por dreña klas y dal bo pa hunga cu otro...

E kobarde Erick/Edrick Santiago keto bai ta kana rond manera un gran heroe Y esaki gran partí pasobra ku e koperashon di Kukwisa Peuterschool y SKOA ku a keda nenga di duna e informashon detaja na Polis.

Mi a hanja mi ta hasi mi mesun investigashonan: E portret aki-bow ta refleha e Gran kobarde ku ta kana dal mucha inocente ku wanta den nan kara djies pasobra ku nan no por dale bek...

E kabesante di skol ku a scoje pa proteha e nomber di su skol ariba e abuzo di mucha ku a tuma lugar na su skol y sin jama polis na e momento di e susedido mi no lo bay pone su nomber pero tur hende por sa fasilmente ta ken e ta...

Mi ta confia ku hustisia lo prevalese pronto riba tur esaki...

## CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





# INTERNATIONAL REGATTA SU DIESCUATER

## EDICION TA CLA PA RANCA SALI

Oranjestad. -- International Regatta 2024 cu su diescuater edicion ta invita pueblo di Aruba pa bin disfruta di e diferente nabegacion cu lo tuma luga na Oranjestad e fin di siman aki cumisando 28 di juni cu diescuater clase di careda: Optimists, SailQube, F11, Beachcats, Sunfishes, Lasers, Yachts Racing, Yachts Live Aboard cruisers, Yachts Multihulls, Miniaturboats (30-35-40 inch), Windsurfers y Kites. Bo ta cordialmente invita pa bin presencia Regatta su Opening Event na Regatta Village, Naptali Henriquez Speeltu Beach, diabierna 28 di juni for di 5'or di atardi pa 9'or di anochi, pa registracion y networking. Lo tin un cash bar obtenibel.

E Opening Ceremony di Regatta lo tuma luga 7'or di anochi cu nabegadonan, sostenedonan y patronisadonan hunto cu tur partners presente. Riba diasabra 29 di juni tur Class Sailing Races lo tuma luga for di 9:00am - 4:00pm sigui pa Live Music alrededor di 5:00pm - 9:00pm cu HAERFEN POP ROCK & BLUES Band. Nabegadonan, sostenedonan y publico henter ta cordialmente invita.

Riba diadomingo 30 di juni, pa henter e dia lo tin All Class Sailing Races cu caredanan tumando luga for di trempan 9'or di mainta pa 3'or di atardi sigui pa Live Music entre 5'or di atardi pa 9'or di anochi cu THE ORIGINALZ Band.

E ceremonia di premiacion di Regatta lo tuma luga diadomingo 30 di juni, 5:30pm pa 7:00pm (Youth 5:30pm; Adults 6:30pm.) ARF, Aruba Regatta Foundation su vision ta pa introduci mas hende na nabegacion y hiba nan mas cerca di naturalesa y experiencianan di watersport sostenibel. Regatta ta desea na yega na mas hende hoben cu ta posibel anto introduci e alegria di nabegacion na nan tur.

Na 2023, 75 nabegadonan a participa den mas cu cuarenta careda, durante dos dia yena di accion y premia nan 27 trofeo, specialmente diseña pa Regatta, traha pa medio di plastic y palo recicla.

Pa 2024, Regatta su meta ta pa atrae mas nabegadonan, boto y publico n'e Regatta Village, cual ta situa cerca di Surfside Beach banda di Naptali Henriquez su parke.

Pa mas informacion bishita e portal di aruba-regatta.org y registra pa asina ricibi posts cu lo mantene bo informa, via: <https://aruba-regatta.org> of @arubaregatta.

Publico ta keda cordialmente invita pa bin mira e spectaculo riba awa, disfruta di un dushi bebida, relaha y recorda nan mes riba kico di realmente kiermen un bida di isla.

Un gradicimento ta bay na tur sponsor, partner



y sostenedonan: Aruba Airport Authority; Studio Advisory; Aruba Tourism Authority; Varadero; Budget Marine; Setar NV; Aruba Bank; Romar Trading; Albo Aruba; Deepwater Marine; Integrated Security Services; BonBini Cargo; Marketing Plus NV; Tranquillo Sailing Charters; Trampolin Pa Trabou; Bula Surf Shop; MW; Scuba Safari; OP=OP; Swift Trading; Royal Aruba Aloe; Aruba Wine & Dine; Jolly

Pirates; CX Events; Son; Aruba Active Vacation; T2pan; Pizza Hut; Hilton Aruba Caribbean Resort & Casino; Aruba Active

Vacations; Aruba Ports Authority; Satex; Pizza Hut; Bucuti & Tara Beach Resort; Costa Linda y Marriott Resort.

### Clasificados

**SOLODIPUEBLO@GMAIL.COM**

**CEL. 585 9500**



# MINISTER MADURO DI FINANSA TA INFORMA CU ENTRADA EXTRA DEN PRESUPUESTO 2024 LO WORDO DESTINA PA MEHORA E PODER DI COMPRA DI VARIOS GRUPO DEN COMUNIDAD



Algun tempo atras Parlamento di Aruba a ricibi e Nota di Comienso di Aña 2024 y hunto cune e prome Presupuesto Supletorio pa aña 2024 cu ta contene e cambianan den maneho cu ta rekeri aprobacion di Parlamento. Un di e cambianan cu ta resalta ta e entrada extra cu a wordo realisa debi na e mehoracion di cumplimiento di pago di belasting y crecimiento economico. Minister Maduro di Finansa ta informa cu entrada extra aki den Presupuesto 2024 lo wordo destina pa mehora e poder di compra di varios grupo den comunidad.

**Indexering**  
Ta conoci cu Gobierno a yega na un acuerdo cu sindicatonan pa indexa e salario di e empleado publico pa mehora nan poder di compra. Un parti di e indexering lo tuma luga den luna di juli 2024 y pesey den e prome

Presupuesto Supletorio 2024 ta aloca fondo pa e indexering aki.

**Reparatietoeslag**  
Den e Presupuesto Supletorio tambe ta aloca fondo pa asina por brinda trahadornan cu ta gana menos di 2500 florin y e pensionadonan di SVB un subida di e reparatietoeslag.

**Bijstand**  
Pa mehora e poder di compra di esnan mas vulnerabel den comunidad, den e Presupuesto Supletorio tambe ta aloca fondo pa asina por hisa e suma di bijstand pa esnan cu un limitacion.

Trahadornan di Fundacion subsidia  
Pa e trahadornan cu ta traha na Fundacionnan cu ta haya subsidio di Gobierno, den Presupuesto Supletorio lo pone fondo pa e Fundacionnan aki por ahusta e salario di nan

trahadornan pa mehora nan poder di compra. E Fundacion subsidia pa Gobierno lo mester haci un peticion apart pa e fondo extra y esaki lo wordo duna bou e condicion cu e fondo

por wordo uza solamente pa gasto di salario y no pa otro gasto di e fundacion. Aprobacion di Parlamento Minister Maduro ta spera cu Parlamento por aproba

e prome Presupuesto Supletorio pa aña 2024 pa asina varios grupo den comunidad por keda yuda cu nan poder di compra.

**CEDE ARUBA**  
CENTRO PA DESARYO



**FIESTA TIPICO**

**16:15 - 17:00 : Cah'i orgel El Negrito Maldito**

**17:05 - 17:20 : Carl Anthony Petrocchi**

**17:25 - 17:40 : Jaylon Machado**

**17:45 - 18:15 : Reconocimento na 2 baluarte**

**18:30 - 19:15 : Tommy y su Grupo**

**19:30 - 20:15 : Tipico Palisia**

**20:30 - 21:15 : Tipico Rejoice**

**FECHA: 30 JUNI 2024**

**ORA : 16:00 – 21:15**

**LUGA : HOFFI SERI JANCHI**

**ENTRADA : 5 FLORIN**

**LO TIN DOORPRIZES PA CORTESIA DI TASTE BUDS CAFE**



## Prome Minister Evelyn Wever-Croes:

# Un otro joya di proyecto di Gabinete Wever-Croes, AEROPUERTO INTERNACIONAL REINA BEATRIX A CELEBRA E ENTREGA DI FASE 1A DI E PROYECTO GATEWAY 2030

Diabierna 21 di juni Prome Minister Evelyn Wever-Croes tawata presente na Aeropuerto Internacional Reina Beatrix pa celebra e entrega di fase 1A di e proyecto Gateway 2030 y pa e despedida di e actual CEO di AAA señor Joost Meijs.

Prome Minister a indica cu esaki ta e apertura di un sala nobo di US Departures, cual lo ta completamente operativo na comienso di 2025. E ta parti di e proyecto Gateway 2030 di e aeropuerto cu ta diseña pa mehora e facilidadnan di Aeropuerto Internacional Reina Beatrix y asina duna e miho servicio posibel na e pasahero. Ta trata di un facilidad moderno, espacioso y cu pinturanan di e artista local Armando Goedgedrag.

Riba e anochi aki tambe a tuma despedida di e actual CEO di Aruba Airport Authority N.V., señor Joost Meijs cu ta den e funcion aki desde 2019. Señor Meijs lo bandona su funcion na July 2024, unabes cu e termina cu su mandato di cinco aña. E mandatario a gradici señor Meijs pa su contribucion cu pais Aruba y a dese'e hopi exito den futuro.

“E sala nobo di US Departures ta un proyecto hopi bunita cu a cuminsa den nos Gobierno. Aeropuerto di Aruba a wak temponan menos bon durante e pandemia. Tawata temponan difícil y di hopi incertidumbre. Nos a dicidi di habri frontera atrobe y tur cos ta indica cu esaki tawata e miho decision pa Aruba. E tempo ey hasta AAA a proyecta cu Aruba lo ta

bek riba pia te aña 2025. Cu hopi orguyo mi por bisa cu ya na 2022 a mira e recuperacion y na 2023 e recuperacion tawata completo. Awe por celebra e proyecto aki danki na tur ciudadano di Aruba cu semper ta traha duro pa hiba nos pais padilanti.

Pabien Aeropuerto Internacional Reina Beatrix pa e logro aki. Danki na colega Minister Dangui Oduber pa su vision y determinación y danki na tur e ekipo di AAA cu a haci esaki posibel.

Esaki ta un otro joya di proyecto di nos Gobierno. Nos no a realisa tur nos metanan ainda, pero nos ta logrando si”, Prome Minister a termina bisando.

## STEPS 2023

# RESULTADO DI INVESTIGACION RIBA USO DI ALCOHOL

ARUBA- 24.06.2024. Den aña 2023 Departamento di Salud Publico den colaboracion cu WHO/PAHO y Central Bureau of Statistics (CBS) a organisa un investigacion Nacional cu a carga e nomber di STEPS 2023.

Meta di STEPS 2023 tawata pa colecta informacion valioso riba salud di nos comunidad di forma cu organisacionan encarga cu maneho di salud publico por ricibi un bista actual di e salud di nos poblacion pero tambe conoce e factornan di riesgo cu por conduci na malesanan cronico. Conociendo e factornan di riesgo aki e diferente organisacionan lo por traha riba manehonan nobo mas dirigi riba mehoracion di e salud di

nos hendenan.

Riba topico di uso di alcohol, investigacion Nacional STEPS 2023 a conclui cu 21% di Aruba su poblacion ta participa na bebemento di alcohol exesivo.

E hende homber ta bebe mas alcohol cu un average di 5.5 bebida pa ocasion compara cu e hende muhe cu ta bebe 3.3 bebida pa ocasion.

Uzo excesivo di alcohol por conduci na sobre peso, problema cu salud mental, cancer y por afecta organonan manera curazon, higrá y stoma. Cu e informacion aki conoci, e ora a yega pa nos dal e paso pa nos salud y “cambia nos habitonan” abo ta cla p’e?



Pa mas informacion like nos Facebook page Directie Volksgezondheid DVG Aruba, Follow nos riba Instagram directie\_volksgezondheid\_aruba, subi nos website [www.dvg.aw](http://www.dvg.aw), yama nos na 5224200 of mail nos na [servicio@dvg.aw](mailto:servicio@dvg.aw)





# Joost Meijs den su discurso di despedida

## AUA AIRPORT TA UN JOYA DEN CARIBE CU MERECE SIGUI BRIYA!

Durante siman pasa a organisa dos evento fantastico den e terminal nobo pa “US Departure” na Aruba (AUA) Airport, cu e prome evento dedica exclusivamente pa empleadonan di Aruba Airport Authority N.V. (AAA) y di dos evento tabata pa tur stakeholder den aeropuerto y e industria completo di aviacion. Hunto mas di 400 invitado tabatin e oportunidad pa yama ayo na e CEO saliente di AUA Airport, esta Joost Meijs.

Durante e di dos evento a conta cu presencia di Gobernador di Aruba, e Prome Minister, Minister Danguillaume Oduber, Miembronan di Parlamento, autoridadnan na aeropuerto y tur partner y stakeholders den e industria di aviacion.

Durante ambos evento tabatin varios discurso y a probecha pa haci un presentacion riba desaroyo di e proyecto di Gateway 2030. Invitadonan tur a gosa di e intercambio di regalo, bon cuminda, bon atencion di e invitadonan y sin lubida un dushi atmosfera.

“Si, manera priminti, ta tempo awo pa mi ultimo palabranan. Mi ta corda cla e discursonan di bonbini cinco aña pasa, duna door di Prome Minister Wever-Croes, Minister Oduber y di e Presidente di Hunta di Supervision di e tempo ey, Marion Kan, den cual tur tabata basta similar den hisa e presion riba e ekipo di AAA y riba mi pa cumpli cu loke nan ta desea: Ehecuta e proyecto Gateway 2030 di un forma organisa, controla y bon maneha”, asina Joost Meijs a bisa den su discurso di despedida.

Tabata apropiada cu e despedida di Joost Meijs a tuma luga den e terminal nobo, recién entrega, unda pasaheronan cu ta biaha pa Merca lo cuminsa uza dentro di poco, como parti di e Fase 1A di e proyecto Gateway 2030. Na comienso di su trabou como CEO, esaki a bira su tarea di mas importante; implementa e inversion grandi den e terminal di aeropuerto y e parti infraestructural bou di e nomber Gateway 2030. E prome fase, esta e sistema nobo y moderno di maneha maletanan, construccion di un area di check-in nobo pa vuelonan pa Merca awo ta cla y entrega. E fase ey tabata involvi un inversion di mas cu \$140 miyon y ehecuta door di varios compania di construccion local. Construccion di e di dos fase di Gateway 2030, esta e “hold room” y “gate areas” pa por acomoda mas avion riba rampa, ta premira

pa cuminsa den e di dos mita di aña 2024.

“Awe, cu celebracion di e entrega di e prome fase di Gateway 2030, e ekipo completo di AAA a demostra cu nan por ehecuta e programa Gateway 2030. Damas y cabayeronan, pa ta modesto, Aruba Airport tin un team fantastico y ta danki na nan bon trabou y nan enorme compromiso hunto cu mi coleganan den gerencia, cu e aeropuerto a bira asina exitoso den implementa e strategia nobo di haci negoshi”, asina Joost Meijs a continua bisando.


Lamentablemente, AUA Airport no ta cla ainda pa anuncia kende lo ocupa e puesto di CEO awo. E proceso ta den bon man di Royal Schiphol Group, e hunta di supervision y Gobierno di Aruba como doño; tur ta convenci cu pronto nan lo scoge e miho candidato pa ocupa e funcion di CEO.

Na final di su discurso, Joost Meijs a gradici Gobierno di Aruba, e hunta di supervision, e accionista, Royal Schiphol Group y su coleganan pa nan confiansa, yudansa, nan comentarionan critico pero mas cu tur cos, pa nan amistad profesional y pa simplemente ta su colega. “Mi ta convenci cu boso tur lo sigura cu aeropuerto ta sigui riba e bon caminda. Aruba y e aeropuerto ta un joya den Caribe y nan merece di sigui briya. Sigur lo mi haya boso falta hopi”, asina Joost Meijs a conclui.

Joost Meijs, CEO di Aruba Airport Authority N.V. (AAA) desde augustus 2019, awo ta bandonando nos isla despues di su termino di cinco aña. Durante su trabou, hunto cu e ekipo di maneho y empleadonan di AAA, a logra varios mehoracionnan den e ultimo añanan. Esakinan no ta inclui solamente e proyecto Gateway 2030, pero tambe e desaroyo di AUA Airport pa bira e aeropuerto mas sostenibel, sigur y bon prepara pa futuro, di henter Sur America y Caribe. Awendia, den forma consistente, AUA Airport ta inverti den su cuater pilarnan strategico: e desaroyo di su empleadonan, e calidad di su servicio y e infraestructura di aeropuerto, innovacionnan y oportunidadnan nobo, sostenibilidad y responsabilidad social.

Tocante AUA Airport

AUA Airport ta un di e aeroportonan mas ocupa den region Caribe, cu mas di 25 diferente aerolinea



operando na Aruba contribuyendo na casi 3 miyon pasahero pa aña y brindando servicio aereo na 31 pais y 45 destinacion non-stop rond mundo. Di e mercadonan cu AUA Airport ta brinda servicio na dje, 78% ta di Merca y Canada, 14% ta di Latino America, 4% ta di Europa y 4% ta di Caribe Hulandes. AUA Airport ta reconoce cu esaki ta danki na un economia stabiel, clima politico, hospitalidad, poblacion diversifica y seguridad general di nos isla. AUA Airport su aspiracion ta pa converti den un di e aeroportonan mas sostenibel, sigur y prepara pa futuro den e region di Latino America y Caribe, brindando un espacio laboral confiabel, cu instalacionnan moderno y ademas cu un excelente servicio n’e cliente p’asina por refleha e hospitalidad di Aruba, contribuyendo na un futuro prospero pa Aruba.

Haya sa mas di loke ta pasando na AUA Airport door di bishita [www.airportaruba.com](http://www.airportaruba.com) y conecta cu AUA Airport riba [Twitter.com/Aruba\\_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaairport](https://instagram.com/arubaairport) Fecha: 23 di Juni, 2024



Minister Endy Croes:

A INAUGURA E SCOL CHILDREN’S HOUSE MONTESSORI NA PARADERA

Diabierna atardi, Minister di Enseñansa y Deporte Endy Croes hunto cu su kerida esposa, maestro, alumno y famia a acudi na Children’s House Montessori na Paradera. Na yegada, Minister Endy Croes a ricibi un caluroso bonbini di Sra. Jahaira Boekhoudt-Piña, kende ta directora di e scol. Durante e ocasion special aki, Minister Endy Croes a duna un discurso, felicitando e team cu a independisa y inaugura e scol bou di un nomber nobo. Na aña 2014 nan a habri porta di nan prome localidad na Dakota.

Tres (3) aña atras, e scol a habri su di dos localidad na Paradera bou di e nomber Nos Fortalesa Montessori y diabierna ultimo a inaugur’e oficialmente bou di e nomber Children’s House Montessori. Den e prome aña a inicia cu un total di 18 alumno di e edad di 6 pa 12 aña. Den e di dos aña, e scol a crece cu un total di 36 alumno y di tres aña cu un total di 39 alumno. E metodo

di Montessori ta diferente cu e sistema tradicional cu nos conoce na Aruba.

Den un klas di Montessori, ta brinda e alumnonan diferente material y actividad, unda nan por haci nan mesun escogencia y traha riba nan propio tempo. E actividadnan aki ta contribui pa e alumno desaroya diferente habilidad entre otro, habilidad pa resolve problema, habilidad motorico y creatividad, door di proporciona material practico di aprendisahe. Ademas di esaki, ta stimula e alumnonan pa desaroya habilidadnan social, pa medio di enseñansa interactivo y weganan cooperativo. E meta di Children’s House Montessori ta pa educa e comunidad di Aruba tocante e metodo Montessori y su beneficianan. Montessori ta fundamental pa biesestar di e muchanan y e muchanan ta fundamental pa e desaroyo continuo di Montessori globalmente. Finalmente, Minister



Endy Croes ta felicita directora Jahaira Boekhoudt-Piña y e team Montessori cu e gran apertura di Children’s House Montessori y ta desea nan hopi exito.

MINISTER GEOFFREY WEVER A DUNA PRESENTACION DI SUSTAINABLE DEVELOPMENT GOALS NA ALUMNONAN DI PIUS X SCHOOL

Den cuadro di e proyecto di Minister Geoffrey Wever di presentacion di e metanan di desaroyo sostenibel, e ‘Sustainable Development Goals (SDGs)’, na alumnonan di 6e klas di scolnan basico, e biaha aki a bishita klassen 6 di Pius X School. Henter e scol Pius X a sali pa ricibi y bon bini Minister Wever.

Di un manera interactivo Minister Wever a splica e metanan di desaroyo sostenibel na e alumnonan.

E presentacion ta pa yuda cu conscientisacion di kico e metanan ta encera y con cada un di nos por yuda na logra e metanan. For di e alumnonan tabatin basta interes y entusiasmo pa e topico.

E Metanan di Desaroyo Sostenibel ta consisti di 17 metanan riba cual paisnan ta traha pa alcanza den nan contexto nacional. E metanan ta: 1. Caba cu pobresa; 2. Caba cu hamber; 3.

Salud y bienestar; 4. Enseñansa di calidad; 5. Igualdad di genero; 6. Awa limpi; 7. Energia limpi y economico; 8. Trabou decente y crecimiento economico; 9. Innovacion y infraestructura; 10. Reduci desigualdad; 11. Barionan y comunidadnan sostenibel; 12. Produccion y consumo responsabel; 13. Accion riba clima; 14. Bida bou awa; 15. Bida riba tera; 16. Paz, husticia y institucionnan formalisa; 17. Partnership pa logra e



metanan. di Pius X School pa e caluroso bon bini”, Minister Geoffrey Wever. “Mi ta hopi contento y ta agradeci e cabsante, docentenan y alumnonan



# Minister Rocco Tjon: OPERATION COMMAND CENTER NA SAVANETA A BIRA UN REALIDAD

Diabierna atardi, durante un momento ameno, a inaugura oficialmente e “Operation Command Center” situa na Savaneta. Minister di Husticia y Asuntonan Social sr. Rocco Tjon, conhuntamente cu Minister President sra. Evelyn Wever-Croes, Korpschef y representante di Setar a hiba palabra pa asina duna inicio na e apertura oficial di e edificio nobo pa loke ta e operation command center, cual ta bay contribui na eleva siguridad riba nos isla.

Segun e mandatario, siguridad no ta algo cu ta bin di su mes, como pais mester inverti den departamentonan hudicial pa por garantisa siguridad. No ta trata di inverti solamente den material y infraestructura, pero mas importante ainda ta pa inverti den tecnologia y recursonan humano, pues e hende cu mester haci e trabou.

E vision di ministerio di husticia y asuntonan social, ta pa garantisa siguridad pa pais Aruba, y e vision aki ta consisti di cuater pilar. Un vision integral cu ta conta cu aportacion di ful e veld hudicial, alabes den su ehecucion cu participacion tambe di e stakeholders hudicial.

E prome dos pilarnan, cual ta material y infraestructura ta importante pa crea e condicionnan adecua pa e polisnan por haci nan trabou manera debe ser. Esaki ta influencia e motivacion di e personal positivamente. E ultimo encuesta bou di personal di Cuerpo Policial a indica tambe cu nan ta mas motiva cu prome.

Sinembargo, e ultimo dos pilarnan ta loke ta haci e diferencia pa como organisacion, especificamente

como Cuerpo Policial, por sigui desaroya y atende cu e demanda cu ta bin, riba nivel local pero tambe internacional. Aki ta trata di inversionnan den e pilar di tecnologia y desaroyo di e Agentenan Policial.

E importancia di inverti den e dos pilarnan aki ta bira bisto door cu criminalidad ta keda cambia, e ta tuma otro formanan, y como pais nos departamentonan mester por adapta na e cambionan aki. Pa e motibo ey Cuerpo Policial ta den un reorganizacion, pa proyectonan manera esaki, por yuda e Cuerpo adapta y na mes momento garantisa su existencia pa futuro door di ankre den e estructura di e organisacion.

Aruba tin e centro di mas moderno den ful nos region y esaki no solamente door di e inversionnan den material y infraestructura, pero tambe door di e hecho cu ta trata di un colaboracion entre diferente entidadnan di Cuerpo Policial mes, pero tambe entre Cuerpo Policial y otro departamentonan den e cadena hudicial.

Den e edificio aki lo wordo ubica central di polis, radar kamer, y tambe e operadornan pa loke ta trata camara surveillance. Camara surveillance a inicia na 2022 y actualmente tin mas di 250 camera instala rond di nos isla. Den area di hotel, downtown San Nicolaas, y 40 localidad strategico rond di nos isla. Banda di esaki, lo inicia cu instalacion di camaranan den downtown oranjestad.

E relevancia di e inovacion aki ta cu e trabou di Cuerpo Policial lo bira mas eficiente y eficaz, ta bay garantisa orden publico mucho mas miho y tambe percura pa mas caso wordo resolvi y mucho mas



lihe. A traves di e proyecto aki por garantisa e propio siguridad di nos Agentenan Policial mucho mas miho.

Pa Cuerpo Policial por sigui desaroya di e forma aki e mester tin un bon fundeshi, e fundeshi aki pa Cuerpo Policial a wordo basha door di polisnan cu a eherce e trabou aki hopi aña atras y aworaki ta gosa di nan pensioen, nos ta gradici cada un, pasobra sin e fundeshi aki un proyecto manera esaki tampoco lo tawata posibel.

Por ultimo, minister Tjon a gradici tur esnan cu a haci esaki posibel, esta Setar N.V. especificamente sr. Stanley Pourrer den feliz memoria. Un persona hopi dedica, pasiona y professional. E Proyecto di camara ta uno cu ya caba for di 2022 nos ta bezig cune y Stanley tawata envolvi for di comienso.

Palabranan di gratitud y pabien na Cuerpo Policial, Coleganan Minister cu a aloca fondo tambe pa un proyecto di e magnitud aki. Parlamento di Aruba, pa aproba e diferente presupuestonan den cual ful e Proyecto integral pa loke ta camara surveillance a wordo presenta.

Como tambe, na henter ministerio di husticia y asuntonan social. Proyectonan asina ta solamenta posibel danki na boso dedicacion, perseverancia y lealtad.





# Minister Maduro di Finansa ta informa: **CAFT TA CONCLUI CU ARUBA TA CUMPLI CU TUR NORMA FINANCIERO DEN AÑA 2023**

## Trabou serio ta duna resultado concreto y positivo na bienestar di Pais Aruba



### Oordeel

De vierde UR toont een voorlopig overschot in de collectieve sector van AWG 282 miljoen. Dat is 4,0 procent van het bruto binnenlands product (bbp). Aruba voldoet daarmee ruimschoots aan de norm voor het financieringsoverschot uit de LAft en het protocol<sup>2,3</sup> en aan de voorgeschreven tekortcompensatie.<sup>4</sup> Ook voldoet Aruba aan de personeelslastennorm en ontwikkelt de schuldquote zich in lijn met de afspraken daarover uit het protocol. Het CAFT spreekt zijn waardering uit voor deze positieve resultaten en adviseert Aruba conform de LAft het gehele overschot in te zetten voor schuldaflissing aangezien het aangaan van nieuwe investeringen voor 2023 niet meer mogelijk is. Voor 2024 en verder adviseert het CAFT de budgettaire ruimte prudent te benutten door lasten te beheersen en prioriteit te geven aan investeringen boven consumptieve uitgaven.

1% di GDP of mas. Den aña 2023, debi na crecimiento economico grandi, prudencia den presupuesto y diciplina presupuestario, a logra un resultado financiero positivo cu a hiba na un surplus di 4% di GDP pa e sector colectivo di Aruba. Cu esaki Aruba ta cumpli cu e norma financiero pa por tin un surplus di mas di 1% di GDP den Presupuesto 2023.

cu e norma di un quota di debe di 70% di GDP den aña 2027 y un quota di debe di 50% di GDP den aña 2039. Pues e debe di Aruba ta bahando conforme plan.

CAFT cu elogio pa Aruba Den e raport riba e cifranan di e ultimo kwartaal di aña 2023, CAFT ta duna elogio na Gobierno di Aruba pa e resultado financiero posi-

tivo. E cifranan di e ultimo kwartaal di aña 2023 por wordo mira riba [www.gobierno.aw](http://www.gobierno.aw) y e raport di CAFT por wordo mira riba [www.cft.cw](http://www.cft.cw). Minister Maduro ta gradici tur instancia y persona cu ta haci esfuerso grandi pa mehora e finansa publico di Aruba. Trabou serio ta duna resultado concreto y positivo na bienestar di Pais Aruba.

Recientemente e colegio di supervision financiero CAFT a publica nan opinion riba e cifranan di e ultimo kwartaal di aña 2023 manera cu Gobierno a publica den e Uitvoeringsrapportage URK 4. En corto, CAFT ta conclui cu Aruba ta cumpli cu tur norma financiero den aña 2023. Ta trata di un surplus di 1% di

GDP of mas, gasto di personal bou di 479 miyon florin y debe cu ta baha.

Surplus mas grandi cu 1% di GDP

Un norma financiero cu Aruba a acorda cu Hulanda pa mehora nos finansa publico ta, pa e sector colectivo por tin un saldo financiero di un surplus di

Gasto di personal bou 479 miyon florin

Den aña 2023, e gasto di personal mester keda bou di 479 miyon florin. Asina mes cu Gobierno den aña 2023 a bay over na paga 100% di salario na e empleado publico, e gastonan di personal a suma 467 miyon florin kedando asina bou di e norma pa gasto di personal. CAFT ta remarca cu desde 2022 nan ta mira cu gasto di personal ta keda baha cumpliendo asina cu norma pa keda baha gasto di personal.

Debe ta baha conforme plan

E quota di debe a baha te na 79% di GDP den aña 2023, un bahada di 12 punto di porcentahe compara cu aña 2022. Cu esaki Aruba ta bon riba rumbo pa cumpli

**Clasificados**

**SOLODIPUEBLO@GMAIL.COM**  
**CEL. 585 9500**

## Obituario

Publica serka nos anuncio di fayecimento di bo ser keri.  
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera  
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera  
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na**  
**585-9500 of na 741-4554**





# HOROSCOPO

25 JUNI 2024

Feliz y productivo diamars. Awe Solo di Pueblo ta presenta bo horoscopo pa dia 25 di juni 2024.

**Aries**  
Lo bo deslumbra un ser stima cu bo personalidad. Si bo inverti den stockmarket, sea muy pendiente di e fluctuacionnan. Muestra solidaridad cu un compañero. Ta cumbini bo haci deporte pa bo pone bo mes den forma. Number di suerte: 62, 11, 7.

**Tauro**  
Loke a cuminsa como un chansa, por caba den amor. Bo iniciativanan financiero lo bay tin gran exito. No nenga di siña cos nobo na

trabao. Bo ta sinti bo mes pletorico di salud. Number di suerte: 38, 25, 5.

**Geminis**  
Predisposicion na encuentro afectuoso. E perdidan den bo economia lo supera e entradanan. Orienta bo profesion pa obhetivo mas actual. No lubida di e revisionnan na dentista. Number di suerte: 53, 76, 5.

**Cancer**  
Poco disposicion pa amor. E problemanan di otro ta afecta den bo economia. Lo bo mester supera e obstaculonan profesional. Un poco di atencion na bo salud. Number di suerte: 99, 14, 3.

**Leo**  
E amigonan lo bay demostra con hopi nan kier bo. Lucha pa bo interesnan economico. Disfruta di un bon momento profesional. Haci ehercicio pa bo los y pa bo drumi miho. Number di suerte: 54, 97, 4.

**Virgo**  
Dia optimo pa cuminsa cu un idilio. Analisa e riesgonan di e negoshi nobo aki. Reflexiona riba bo proyecto y e obhetivonan profesional. No exahera bebiendo asina hopi awa, tampoco ta bon. Number di suerte: 59, 83, 4.

**Libra**  
Bo relacion afectivo ta bayendo pocopoco. Probecha di e oportunidadnan cu ta aparece pa gana placa. Bon dia pa yega na acerto cu bo hefenan. Luna no mester controla bo estado di animo. Number di suerte: 26, 23, 8.

**Scorpio**  
Bo bida amoroso ta den keda tranca. Cuidao cu economia domestico, e por sali fo'i control. Den lo profesional, cambio imprevisto ta na caminda. Lo bo nota miho door di aplica un tratamiento di relajacion. Number di suerte: 23, 36, 3.

**Sagitario**  
Hende yega na bo lo yuda bo door di pasa den e problema afectivo. Bo ta siendo un victima di un estafa. Si bo tin negoshi propio, lo bo traha demasiado ora. Molester chikito cu gas. Number di suerte: 54, 88, 3.

**Capricornio**  
Den amor, bo no ta atravesando den bo miho momento. Lo bo haya un fuente nobo di entrada. No sea asina conformista den bo trabao, purba di supera. No lubida di practica deporte cu mas regularidad. Number di suerte: 55, 56, 3.

**Acuario**  
Bo ta entre hende pret, pero corda riba bo hendenan. E debe cu ba lubida di paga ya no ta permiti mas tardamento. No tranca y pensa cu conocimiento ta avance. Bo djentenan lo provoca algun problema. Number di suerte: 36, 49, 5.

**Piscis**  
Bo mester tempo pa reflexiona riba bo curason. Den cuestion financiero, sea mas realista y sensato. Proposicion laboral hopi interesante. E analgesiconan lo alivia e sintomanan, pero no e malestar mes. Number di suerte: 23, 86, 9.

# TUR HENDE TA INVITA PA UN EXPOSICION DI ARTE Y RECLISAHE TRANSFORMANDO BOTTER DI BIÑA



En conexion cu e workshop di Arte duna pa sra. Olga Rocio na Fundacion Centro Famia Piedra Plat lo bay tin diasabra awor 29 di juni 2024 pa 6:00pm un exposicion. Lo por mira un resultado hopi bunita di e 25 damanan cu a sigui e curso di 14 ora di les den 4 siman.

Transformando botter di biña den algo bunita, col-

orido, creativo, iluminacion di lus, un combinacion di arte y emocion. E damanan a relaha y disfruta masha hopi mes di e workshop.

Tur hende cu bin diasabra awor por disfruta di Wine and Cheese cu lo tin na benta pa recuda un poco fondo pa e Fundacion.

Tambe ta duna oportunidad na esnan presente pa



cumpra algun di e obranan for di e damanan mes cu

a sigui e curso, y tambe lo por apercia e pinturanan di



arte visual di nos artista local sra Rhoda Berg. Fundacion Centro Famia Piedra Plat formando parti di Community Building hunto cu "CEDE ARUBA / BARIÓ UNICO" lo sigui organisa workshopnan y actividadnan pa e bario y comunidad di Aruba.



# Cft: Saba ta sigui desaroya maneho financiero

The Bottom – Riba 18 di juni 2024, Colegio di supervision financiero di Boneiro, Sint Eustatius y Saba (Cft) a bishita Saba. Ayanan, e Colegio a papia cu e Colegio Ehecutivo tocante di e desaroyo continua di maneho financiero y e desaroyo organisacional inicia. Ademas, a delibera tocante di e ambicionnan di Saba riba e tereno di – entre otro – siguridad di subsistencia y e desaroyo economico di e isla. E pagonan special cu frecuentemente ta forma parti di e ambicionnan aki, ta pone presion riba e presupuesto.

Durante su bishita, Cft a dedica atencion na e mehora continua di maneho financiero. A pesar cu ya caba for di 2014, Saba ta ricibiendo declaracionnan di auditor aprobatorio tocante di e cuentanan anual, maneho financiero y e desaroyo di e organizacion (financiero) tin prioridad riba e agenda di e Entidad Publico. Cft a papia cu e team di planificacion y control di e departamento di finanzas, y ta haya cu e pasonan cu a ser duna pa desaroya maneho financiero ta algo sumamente positivo.

Na 2023, Hulanda y Saba a cera un acuerdo di gobernacion. E acuerdo aki ta enfoca riba mehora di siguridad di subsistencia, desaroyo economico duradero, clima y naturaleza, y fortalecimiento di bon gobernacion. Cft a delibera cu e Colegio Ehecutivo tocante di e progreso di e acuerdonan administrativo aki, y nan efecto riba e presupuesto. Un parti considerabel di e proyectonan ta ser financia for di e pagonan special, loke ta pone presion riba e presupuesto regular. Esaki ta debi na e hecho



cu inversionnan, manera e construccion di e hafnobo, ta conduci structuralmente na gastonan mas alto pa maneho, mantenimiento y remplaso.

Pa finalisa e bishita, Cft a bishita algun proyecto dirigi riba e desaroyo economico duradero di e pais.

## Maravillas de la Fe

Bo ta sufri di un malesa nan cu no por cura? Manera artrosis, Alzheimer, demencia, depresión, diabetes osteoporosis, párkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? komunika na 748 56 71


Bo tin problema di amor? Bo pareha ta gaña bo? Fracaso, soledad, angustia. komunika na



Comunica na 748 56 71



748 56 71



OLIVE TREE'S  
PRE-PAID  
FUNERAL PLAN

PAY AS YOU CAN

Piedraplat ☎ 582 0000  
Sanicolaas ☎ 584 8888 | 5820000  
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411  
www.olivetreefuneralhome.com



# Directora Joselin Croes di Gabinete di Aruba na Familyday UNESCO



Den Haag – Directora di Gabinete di Aruba mr. Joselin Croes tabata presente na un UNESCO Familyday

na Utrecht. Na e ocasion aki a toca temanan di importancia di UNESCO na e islanan pa loke ta herencia historico y cultural pero tambe discriminacion y libertad di expresion.

Asina durante di e familyday tabata tin un Masterclass riba e tema con ta combati discriminacion y racismo. Esaki a consecuencia di e mission di UNESCO pa igualdad y paz mundialmente.


Bou guia di Marlon Titre di comision di UNESCO Nederland a tuma lugar un UNESCO Cariben Quiz riba e rol di UNESCO den e parti Caribense di Reino Hulandes na unda a enfoca riba e aña conmemorativo riba e historia di esclavitud cu ta yegando su final.

Joselin tabata contento di tambe a topa cu studiantenan Joey Francisco y Imani Janga cu lo bai core

























stage na UNESCO Aruba. Relaciona cu esaki Joseline a topa cu Birgit Kreykenbohm, Program Specialist

Communication and Information di UNESCO cu lo guia e studiantenan durante di nan stage.



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 22 Juni 2024 Merdia

 <p>Sorteo # 4306</p> <p>6172</p> <p>5049</p> <p>5625</p> <p> X3</p> <p> BIG 4</p> <p>Sorteo # 4306</p> <p>0522</p> <p> X2</p> <p> 10FF</p> <p>Sorteo # 2362</p> <p>0370</p> <p> ZODIAC</p> <p>Sorteo # 4306</p> <p>0385</p> <p>Aries</p> <p> LUCKY 3</p> <p>Sorteo # 1180</p> <p>988</p> <p> FP</p>	<table><tr><td></td><td>Sorteo #</td><td>Joker</td><td>Letter</td></tr><tr><td>0 x Jackpot</td><td></td><td></td><td>Proximo Jackpot</td></tr><tr><td>0 x Match 4+</td><td></td><td></td><td>1.000.000,-</td></tr><tr><td>0 x Match 4</td><td></td><td></td><td></td></tr><tr><td>0 x Afl. 12,00</td><td></td><td></td><td></td></tr></table> <table><tr><td></td><td>Sorteo #</td><td>Proximo Jackpot</td></tr><tr><td>0 x Jackpot</td><td></td><td>150.000,-</td></tr><tr><td>0 x Match 4</td><td></td><td></td></tr><tr><td>0 x Afl. 8,00</td><td></td><td></td></tr></table>		Sorteo #	Joker	Letter	0 x Jackpot			Proximo Jackpot	0 x Match 4+			1.000.000,-	0 x Match 4				0 x Afl. 12,00					Sorteo #	Proximo Jackpot	0 x Jackpot		150.000,-	0 x Match 4			0 x Afl. 8,00			<table><tr><td></td><td>Sorteo #</td><td>Mega Ball</td></tr><tr><td>0 x Jackpot</td><td></td><td>Proximo Jackpot</td></tr><tr><td>0 x match 4</td><td></td><td>300.000,-</td></tr><tr><td>0 x Afl. 500,00</td><td></td><td></td></tr><tr><td>0 x Afl. 50,00</td><td></td><td></td></tr><tr><td>0 x Afl. 15,00</td><td></td><td></td></tr></table> <p> Afl. 400.000,-</p>		Sorteo #	Mega Ball	0 x Jackpot		Proximo Jackpot	0 x match 4		300.000,-	0 x Afl. 500,00			0 x Afl. 50,00			0 x Afl. 15,00			<table><tr><td></td><td>Sorteo #</td></tr><tr><td></td><td></td></tr><tr><td></td><td></td></tr><tr><td></td><td></td></tr></table> 		Sorteo #						
	Sorteo #	Joker	Letter																																																										
0 x Jackpot			Proximo Jackpot																																																										
0 x Match 4+			1.000.000,-																																																										
0 x Match 4																																																													
0 x Afl. 12,00																																																													
	Sorteo #	Proximo Jackpot																																																											
0 x Jackpot		150.000,-																																																											
0 x Match 4																																																													
0 x Afl. 8,00																																																													
	Sorteo #	Mega Ball																																																											
0 x Jackpot		Proximo Jackpot																																																											
0 x match 4		300.000,-																																																											
0 x Afl. 500,00																																																													
0 x Afl. 50,00																																																													
0 x Afl. 15,00																																																													
	Sorteo #																																																												





**SOLODIPUEBLO@GMAIL.COM**  
**CEL. 585 9500**





# Tradicion di celebracion di dia di San Juan y di Dera Gay mester keda uno cu tin di haci cu cosecha

ORANJESTAD - Directie Natuur en Milieu (DNM) ta desea pueblo un Feliz dia di Dera Gay y kier avisa pueblo pa ban celebr’e conscientemente cu amor pa tradicion respetando naturalesa y medio ambiente. Nos kier alabes menciona cu nos antepasadonan manera e indiannan di Mexico y Venezuela a bini Aruba y a trece hopi practica di agricultura. Tambe nan a trece nan tradicionnan y custumbernan di cual nos a incorpora den nos cultura local. E tradicion di Dera Gay mes ta uno cu ta bini di e celebracion di agricultura y un cosecha exitoso. Un cosecha exitoso ta nifica cu despues tin restonan cu no ta uza y esaki nan tawata kima den forma di celebracion. E tera cu e sas ta bolbe uza den e suelo di e siguiente cosecha. Locual cu ta resta no mester clasifica esaki pa sushi. Como cu a keda practica e parti di kima resto, hendenan a pone otro cosnan den e restonan organico y con-

secuentemente a cuminsa kima nan hunto. E problema di kimamento sin control riba e dia di Dera Gay ta e consecuencia. DNM ta desea di aclarea cu e practica cu tawata algo spiritual-cultural mester keda uno cu tin di haci cu cosecha y agricultura pa evita cu hende ta kima sin control.

E Cultura of tradicion di Dera Gay y e asunto di kimamento no kiermen cu nos mester ta actua contra ley of causa daño na nos salud, e naturalesa y medio ambiente. Pa e motibo aki DNM kier avisa pueblo tambe pa pone atencion na e siguiente puntonan.

- Ta prohibi pa cende candela riba caminda publico. Esaki ta prescribi den articulo 14 di e ordenansa di polis (APV).
- Segun articulo 8 di APV, ta prohibi pa causa molester na bisiña por ehempel door di cende candela y kima.
- Pone atencion na unda ta cende candela. Tin

tereno di naturalesa cu ta protegi pa ley y ta prohibi pa cende candela den e areanan aki. Manera Spaans Lagoen, Parke Nacional Arikok, nos areana di parke marino. E motibo pa esaki ta cu e candela ta causa daño na nos flora y fauna, por ehempel matanan di mangel, parhanan, cangreunan y otro sortonan


E daño cu kimamento den aire liber ta causa ta cu particulanan (stof) y gas (diferente sorto) ta bay liber den e aire creando polucion di aire (luchtvervuiling). Kimamento di obhetonan clasifica mucho general como sushi, no ta duna mucho indicacion cuanto kimico ta kima cu produccionan no organico. Kimamento di sushi den aire liber ta laga stof y gas, cu no ta pertenece naturalmente den aire, bay cu por ta dañino pa salud di hende, bestia y/of mata. E stof y gasnan aki tambe ta dañino pa e edificio of obheto cu hende y bestia a traha (neishi). Cu



stof kiermen, e substancia produci principalmente for di actividadnan procedente di hende. Por ehempel: mescos cu tin kimamento di sushi, tin tambe polucion di aire door di trafico (auto, barco) door di combustion (verbranding van koolwaterstof producten vb fuel)

y deforestacion/rosamento di mondi.

Ban celebra e dia di Dera Gay na un manera responsabel y reduci e impacto cu kimamento tin riba nos naturalesa, medio ambiente y salud, ta e mihor deseo di DNM.




			8		1			
						4	3	
5								
				7		8		
						1		
	2			3				
6							7	5
		3	4					
			2			6		

		1	2			6		
	7			9	6		4	8
	6	8		5	4		2	
7	5			4				2
	9		6	8		7	5	
8		6	7			9	3	
			5	1	9		8	6
1		9			2			
	2	5						9

## ARUBA SOFTBALL BOND

Manera a informa biaha pasa, ASB tin un acuerdo WBSC Americas, y e plan di desarojo a cuminsa caba, nombrando Sr Conrad Orman como Director Tecnico di nos seleccionnan. Conrad lo ta e persona cu lo dicidi kende ta bira Manager y coachnan y cual hungadornan lo wordo selecciona pa hunga den e team Nacionalnan di Aruba, tanto femenino como masculino.

Pa cuminsa cu e plan, Sr. Rafael Llames di WBSC, kende ta cargando e Proyecto aki, a invita Conrad hunto cu 6 hungador femenino pa un torneo cu lo tuma lugar na Barcelona, Spaña. Esaki lo sirbi como un prome prueba pa e muchanan. E resto di hungadornan lo wordo poni door di Mr Llames, kende lo dirigi e team, pa asina completa e team, cu lo hunga representando Aruba. Esaki ta tuma lugar for di dia 2 Juli te cu 11di Juli 2024. Despues di e torneo aki, e seleccion completo mes lo wordo forma, y lo keda train hunto, hasta durante



nos Campeonato, pa asina keda den e plan di entrenamiento, cu Conrad a traha.

E damasnan cu lo acompaña Conrad lo ta: Alessandra Alexander, Courtney Irausquin, Kyanne Brooks, Dimesky Santos-Diaz, Zulaima Croes y Ludmila Geerman.

A.S.B. no tabata tin riba su plannan pa biaha e aña aki, pero WBSC a solicita pa esaki na ultimo ora, y asina aki a hasi tur posibel pa hanja e fondonan necesario pa por realiza e biahe aki. ASB kier yama un danki na tur e entidadnan cu a yuda pa asina e biahe aki por bira un realidad.



# Parlamentario independiente Rycond do Nascimento: E bataya nos a gana, pero e guera ta continua 24 juni 2024

Nos ta celebra e victoria den parlamento na defen-  
sa di matrimonio entre un  
homer y un muhe. E resul-  
tado di dia 8 di mei hunto  
cu esun di dia 19 di juni  
2024 ta un alivio pa e may-  
oria di pueblo, pasobra un  
votacion den parlamento  
no mag di cambia e destino  
di un pueblo cu ta identifica  
su mes como religioso (se-  
gun CBS 94% ta religioso y  
75% catolico). Sea cu bo ta  
catolico, protestant, evan-  
gelico, pentecostal of otro  
religion, nos ta kere den e  
dignidad di cada persona  
sin importa su religion,  
rasa of orientacion sexual.  
Tambe nos ta kere cu tur  
hende, sin importa ken, ta  
merece proteccion huridico  
den nos leynan. Esey no ta  
kita cu riba tereno cultural  
nos ta keda conservador y  
derechista.

Un gran elogio ta bay pa  
cada ciudadano cu a mostra  
nos politiconan cu norma y  
balor ta importante. Cada  
ciudadano cu a marcha y  
cada un di e 18 mil firma pa  
conserva matrimonio. Sin  
boso bos y compromiso,  
nunca nos lo a logra. Tambe  
nos gratitud ta bay na Igle-  
sia Catolico, Iglesia Prot-  
estante, ICA, tur lider reli-  
gioso y tur persona cu a uni  
activamente na defensa di  
balornan tradicional. Boso  
luz mester sigui briya.

Sin embargo, e guerra ta con-  
tinua, pasobra e coalicion  
Accion21-MAS-RAIZ ta  
keda determina pa impone  
nan ideologia iskierdista  
riba henter un comunidad.  
Laga mi duna tres ehempel  
con nan ta completamente  
dispuesto pa troce nos  
reglanan Constitucional pa  
logra nan meta:

1. Miguel Mansur a lansa  
e pensamento cu un voto

contra e ley di matrimonio  
homosexual ta un voto cu  
ta viola nos Constitucion.  
Los for di tur teoria cu ta  
den su cabes, su argumento  
ta completamente ridiculo.  
Nos Constitucion ta garan-  
tisa e libertad pa cada par-  
lamentario vota su consen-  
shi y e libertad ta bay asina  
leu cu si parlamentarionan  
no ta di acuerdo cu e con-  
tenido di nos Constitucion,  
nan por vota pa cambia su  
contenido. Pero e argumen-  
to no ta mas cu un pretexto,  
pasobra loke Miguel kier, ta  
impone su ideanan cueste  
lo que cueste. P'esey e no  
ta ria pa menasa Dowers cu  
pa motibo di su voto contra  
e no lo por bira minister di  
husticia den un coalicion  
AVP-Accion21.

2. Miguel Mansur a declara  
dia 19 di juni 2024 den  
prensa cu e dia ey tabata un  
dia skur pa democracia y cu  
cierto grupo religioso ta co-  
rumpi politica y ta denigra  
nos Constitucion. E reali-  
dad ta cu ciudadanonan cu  
un conviccion religioso a  
haci uzo di nan derechonan  
democratico cu ta hancra  
den nos Constitucion pa  
para y marcha pa nan opin-  
ion. Es mas, ta Miguel ta  
esun cu ta contra democra-  
cia: e no kier ningun forma  
di referendum y e ta contra  
cualquier tipo di dialogo cu  
personanan cu ta defende  
norma y balor tradicional,  
pasobra e no kier duna plat-  
aforma na ideanan inspira  
riba cristianismo. Segun  
Miguel hende Cristian no  
tin derecho pa vocifera nan  
opinion of pa wordo scucha.

3. Marisol Tromp apar-  
entemente tabata convenci  
cu nan mester a presiona  
parlamentarionan cu ta-  
bata duda ainda. P'esey  
Marisol a pasa henter dia  
8 di mei 2024 gañando cu

tin un regla huridico cu ta  
stipula cu parlamentario cu  
kier abstene di vota mester  
bandona sala. E supuesto  
regla ey simplemente no ta  
existi den nos leynan. Ob-  
viamente “el tiro la salió  
por la culata”, pasobra su  
intimidacion a resulta den  
e resultado di voto 10-10.  
Como cu Accion21-MAS-  
RAIZ ta mal perdedor, nan  
a bay uza e mesun mentira  
di e supuesto regla cu mes-  
ter bandona sala pa retira  
tanto griffier como presi-  
dente di parlamento for di  
nan puesto.

Pa impone nan meta e  
grupo iskierdista Accion21-  
MAS-RAIZ ta bay mucho  
mas leu cu simplemente  
troce nos reglanan con-  
stitucional, pasobra nan  
tambe ta troce enseñansa  
religioso y ta fomenta odio  
contra hende cu ta identi-  
fica como cristian. Laga mi  
duna tres ehempel di con  
nan ta demonisa creyente:

1. Miguel Mansur a dirigi  
su mes na creyentenan  
evangelico, bisando: “Si bo  
fe ta bisa bo odia un hende,  
bo mester di un religion  
nobo.” Asina Miguel ta  
troce e berdad cu e creyen-  
tenan aki ta kere cu Dios a  
stima nos tur asina tanto cu  
E'l a manda Hesus pa muri  
pa nos picanan. E creyente  
ta kere den e mandamento  
di Hesus pa stima bo pro-  
himo manera bo mes. Pero  
e tambe ta kere cu e prac-  
tica homosexual ta un pica.  
Esey no ta odio, sino fe.

2. Misha Raymond na su  
turno ta bende e idea cu  
un perspectiva religioso ta  
hiba na suicidio bao di ho-  
bennan. E ponencia ey tam-  
be ta demonisa cristian-  
ismo como algo peligroso,  
creando un argumento pa  
elemena cristianismo.

3. Raymond Kamperveen ta  
boga pa bin cu un impuesto  
special pa iglesianan, insin-  
uando cu e iglesianan ta ha-  
ciendo algo malo y cu p'esey  
mester castiga iglesianan  
financieramente.

E retorica di Accion21-  
MAS-RAIZ ta fomenta odio  
contra religion. Tambe nan  
retorica ta conduci na de-  
struccion di matrimonio  
tradicional y di e definicion  
di kico ta un homer y un  
muhe. Ademas nan retor-  
ica ta conduci na silencia  
creyente y elemena religion  
for di e ambito publico. E  
manera pa logra esaki ta  
door demonisa religion,  
cambia ley y penetra den e  
mente di nos yiunan na skol  
uzando bullying como pre-  
texto.

Nos ta kere den toleran-  
cia y dialogo, p'esey nos ta  
keda semper dispuesto pa  
un combersacion serio riba  
nos conviccionnan. Pero  
nos no por acepta un agen-  
da asina peligroso haya raiz  
den nos comunidad. P'esey  
nos mester uni forsa con-  
tra opresion, persecucion



y discriminacion di hende  
religioso. Nos mester bin  
cu un ley di referendum pa  
pueblo por expresa su mes  
directamente. Nos mester  
ancra e definicion di ma-  
trimonio den nos Constitu-  
cion pa asina ningun hues  
por mishi cu esaki mas.  
Nos mester vota consciente  
di e peligernan. P'esey sos-  
tene candidatonan cu a de-  
monstra un compromiso cu  
e causa. Pasobra trahando  
hunto nos ta aumenta nos  
bos y nos impacto. Pasobra  
e bataya nos gana, pero e  
guera ta continua!

Señor ta mi wardador, mi'n tin falta di nada  
Den cunucu di yerba e ta ponemi sosega.  
E ta hibami na awa trankil.  
Pa mi bolbe haña forsa.  
Salmo: 23

Cu dolor na nos curason; pero  
conforme cu boluntad di Dios nos ta anuncia  
fayecimento di:



Virginia Criskla Maria Angela  
mihor conoci como: "Vilma"  
\*27-10-1954 †18-6- 2024


Acto di entierro lo wordo anuncia despues.



# FORTALEZA PA FAMILIA

Scirbi pa Pastor Marcel Balootje.

## BO TA PARTI DI LUS, OF BO TA PARTI DI SCURIDAD ?.



Lus ta simbolo di salvacion, crecemento spiritual y discernimiento, lus semper ta briya riba scuridad, caminda tin lus scuridad y tur su compinchenan ta huy.

Nos ta bibando den un tempo caminda inmoralidad a bira negoshi, tur caminda inmoralidad ta busca pa drenta, y hende no ta tene cuenta mas cu Dios, no tin respet pa Dios, enbes di coregi maldad, nos ta mira cuanto hende ta apoya maldad, usando hopi tipo di excuus.

\*Ora un mayor tin un yiu cu ta cana den caminda di inmoralidad, impuresa, violencia, perversidad, habito contrali na Dios su voluntad, y e mayor ta bon na altura cu e tipo di bida ey ta aleha e yiu for di Dios y ta hibe den caminda di scuridad y perdicion, e mayor den su sano huicio no por apoya e tipo di bida ey, pasobra e ta

hacie complice y piedra di tropieso pa su propio yiu, y e mes como mayor ta busca furia di Dios pa su hogar.

\*E mayor ta responsabel, pa haci tur locual ta posibel pa muestra su yiu cu e ta den caminda robes y haci oracion constantemente pa Dios toca e yiu su curason pa asina e por aparta di tur clase di inmoralidad.

Pero ora e mayor duna ok na comportacion immoral, perversidad y impuresa, e ta duna aprobacion na scuridad den e yiu su bida, y den un palabra bisa e mes lo mira avance di e enemigo den su yiu su propio bida.

Hopi hende no sa e consecuencia di aprobacion di inmoralidad, violencia, uso di alcohol etc, pasobra, nos ta bay mira cu e dolor lo afecta henter nos isla, pasobra degeneracion ta na caminda.

Uso di alcohol bao di nos hubentud, y mucha bao di 14 anja ta algo doloroso, tin caminda tin mucha di cu no a caba Lagere School, pero ya nan ta involvi den bebemento, tin mucha cu ya conoce droga, y tin caminda inmoralidad y perversidad a ataca muchanan. Mayor tene cuenta.

Un otro banda esnan cu mester tuma un decision serio, ta haciendo wega cu Decencia di un pais, nan ta hunga bala empata e wega y laga e penalty den man di otro hende. Esun cu tin wowo lage mira, y esun cu tin horea lage tende. Maldad y inmoralidad no ta repesta, nan no tin limite, nan plan ta pa domina, pasobra tin un factor cu yama placa ta cana hunto cu maldad y inmoralidad, pasobra ora hende cay den tipo di scuridad asina nan no ta importa di unda placa lo bini, basta nan deseo wordo satisfice.

Ora nos entrega nos decencia, moralidad, etica, respet, pa compincheria, malicia y placa, nos ta entrega nos mes na scuridad, y ta keda un pregunta ki banda bo ta para? Parti di lus of parti di scuridad? E ora ey Hesus a bolbe papia cu nan bisando: Ami ta e lus di mundo, esun cu sigi Mi lo no cana den scuridad, ma lo tin e lus di bida. (Juan 8:12) E lampi di bo curpa ta bo wowo, ora bo wowo ta bon, henter bo curpa ta yen di lus, ma ora cu e ta malo bo curpa tambe ta yen di scuridad. (Lucas 11:34)

Nos tin awendia hende cu diabel a haci nan wowo scur, cu no por mira bon, y

cu mester di liberacion pero tambe nos tin hende cu nokier sali for si scuridad. Pasobra segun nan manera di pensa scuridad ta felicidad.

A yega e momento cu nos mester tur mester cana den e lus di Hesus.

Sinceramente, Pastor Marcel Balootje.

Lagrima y flornan por seca pero Bo imagen, Recuerdonan y locual Bo a significa pa nos lo keda Semper bibo den nos Memoria y pa Semper graba den nos Curazon.

### Graduacion/Invitacion

Den nomber di familia nos kier a gradici cada un cu a tuma nan tempo of di un of otro manera a muestra atencion y sosten durante dianan di fayecimiento y entierro di nos defunto stima;



### Maria Henricus-Geerman

Danki pa tur mensahenan via tur medionan di comunicacion, tur esnan cu a manda carichi of krans y tambe bishitanan personal, nos ta masha agradeci.

Tur esakinan a sirbi di gran consuelo pa nos. Un danki special ta bay na: pastoor Jairo Maduro pa su bunita respons, Sra. Lola Geerman pa su atencion, na personalnan di Huize Maristella, na Sr. Max Hasell pa su bunita cancionan, Sr. Nelson Tromp y su compañeronan di Mariachi Luna, y tur persona cu a yuda den cualquier otro forma, Masha danki di curazon.

Danki na Aurora Funeral Home, especialmente Zulaika Hodge pa e atencion y bon servicio.

Ta invita pa asisti na 3 Santo Sacrificio di misa cual lo tuma lugar riba; diamars 25 di Juni, diahuebs 27 di Juni y diasabra 29 di juni pa 7'or anochi na misa Immaculada Concepcion na Santa Cruz, y despues di misa diasabra 29 di Juni lo bay tin un oracion na cas Macuarima 101-A.

Boso presencia ta keda altamente aprecia.

“Esnan cu nos a stima no ta laga nos, nan ta cana banda di nos tur dia”

**Clasificados**

**SOLODIPUEBLO@GMAIL.COM**  
**CEL. 585 9500**

SOLO Di Pueblo